

## Sevilla II-ko preso politikoei hilabete bat daramate medikurik gabe

---

AMNISTIAREN ALDEKO ETA ERREPRESIOAREN AURKAKO MUGIMENDUA. ::  
12/03/2020

Amnistiaren Aldeko eta Errepresioaren Aurkako Mugimenduak salatu nahi du Sevilla II-ko espetxeko isolamendu galerian hilabete bat daramatela medikurik gabe

Amnistiaren Aldeko eta Errepresioaren Aurkako Mugimenduak salatu nahi du Sevilla II-ko espetxeko isolamendu galerian hilabete bat daramatela medikurik gabe. Bertan 10 euskal preso politiko dago bi galeria ezberdinetan banaturik.

Sevilla II-ko kartzelak bere irekieratik erakutsi du presoek eskubide minimoenak ere urratzeko jarrera, eta 2009ko bukaeran eta 2010eko hasieran lehenengo euskal preso politikoa jaso zituenetik, etengabeak izan dira hauek estu hartzeko aurrera eramandako jardura.

Sevilla II-ko Zuzendaritzak zein kartzelari euskal preso politikoei mantendutako jarrera erasokorra izan da beti. Gertakizun errepresibo azpimarragarrien artean 2012ko azaroan Marcos Martín Ponce GRAPOko preso politikoa emandako jipoi (konorterik gabe utzi, hortzak apurtu eta egun batez ohe batera lotuta mantendu zuten, sikiera txiza egiteko askatu gabe), Arkaitz Bellón Elorrioko preso politikoa 2013ko martxoan emandakoa (2014ko otsailaren 4an Puerto I-eko ziega batean hilik agertu zen), edo euren eskubideen alde euskal preso politikoei 2014ko urriaren 28tik aurrera hilabete batez mantendutako gose greba egongo lirake.

Isolamenduko presoek hilabete oso bat daramate medikurik gabe, osasunerako haien eskubidea urratuz, eta nahiz eta urraketa hau orain modu argiago batean Sevilla II-n agertzen zaigun, Espainiar Estatuaren espetxe politikaren ezaugarrietako bat da preso eriekiko asistentzia mediku eza. Preso politikoen kasuan urrats bat gehiago ematen dute. 2017an, orduko Espainiako Barne Ministro Jorge Fernández Díazek esan zuen "ETAko presoak hiltzeaz daudenean edo damutzen direnean" baino ez zituztela askatuko. Jarrera horri eusten dio oraindik Espainiako Estatuak.

Amnistiaren Aldeko eta Errepresioaren Aurkako Mugimenduak babesa agertu nahi die Sevilla II-n preso dauden militante politikoei eta haien oinarrizko eskubideak errespetatuak izan daitezela eta haien borondate politikoen aurkako xantaia bertan behera uztea exijitzen du.

Euskal Herria, 2020ko martxoaren 12a.

**Amnistiaren Aldeko eta Errepresioaren Aurkako Mugimendua.**